

Nd.

791. Breytingartillögur

[281. mál]

við frv. til laga um almannatryggingar.

Frá minni hl. heilbrigðis- og félagsmálanefndar (SV, JK, JónasÁ).

1. Við 11. gr.

a. Við 1. mgr. bætist:

Þó skulu þeir, sem gert hafa sjómennsku að ævistarti og stundað sjómennsku í 35 ár eða lengur, öðlast fullan rétt til ellilífeyris, er þeir hafa náð sextugsaldri. Nú hefur maður stundað sjómennsku sem aðalstarf í 40 ár, og á hann þá rétt á tvöföldum ellilífeyri, er hann hefur náð sextugu. Fullan ellilífeyri ber einnig að greiða ekkjum, er þær verða 60 ára.

b. 2. málsg. orðist svo:

Fullur árlegur ellilífeyrir einstaklings skal vera sem hér segir:

Ef lífeyrir er fyrst tekinn frá 72 ára aldri eða síðar ..	kr. 129 676.00
Ef lífeyrir er fyrst tekinn frá 71 árs aldri eða síðar ..	— 116 311.00
Ef lífeyrir er fyrst tekinn frá 70 ára aldri eða síðar ..	— 103 646.00
Ef lífeyrir er fyrst tekinn frá 69 ára aldri eða síðar ..	— 93 957.00
Ef lífeyrir er fyrst tekinn frá 68 ára aldri eða síðar ..	— 84 216.00
Ef lífeyrir er fyrst tekinn frá 67 ára aldri eða síðar ..	— 78 120.00

- c. Við greinina bætist ný málsg., svo hljóðandi:
 Nú nýtur kvæntur eða giftur lífeyrisþegi, sem orðinn er 70 ára, aðeins lífeyris eftir þessum lögum og hefur óverulegar vinnutekjur eða engar, og skal hann þá taka lífeyri, sem svarar til fulls hjónalífeyris, þótt maki hafi ekki náð 67 ára aldri, enda hafi maki ekki vinnutekjur sem neinu nemur.
2. Við 12. gr. Í stað „kr. 70 560.00“ í síðustu málsg. komi: kr. 78 120.00.
3. Við 14. gr. Í stað orðanna „Barnalífeyrir greiðist móður eða foreldrum barnanna“ í 4. málsg. komi: Barnalífeyrir greiðist foreldri eða foreldrum barnanna.
4. Við 15. gr. Greinin orðist svo:
 Einstætt foreldri, sem hefur eitt eða fleiri barna sinna á framfæri og lögheimili á hér á landi, skal hljóta árlega greiðslu fyrir hvert barn, kr. 22 400.00. Ákvæði þetta skal ná til fósturmæðra eða fósturfeðra.
5. Við 17. gr. Aftan við greinina bætist:
 Ákvæði greinar þessarar ná einnig til ekkils.
6. Við 19. gr.
 a. Í stað „kr. 84 000.00“ í 2. málsg. komi: kr. 125 000.00.
 b. Við 2. málsg. bætist:
 Nú nýtur elli- eða örorkulífeyrisþegi bóta samkvæmt lögum um eftirlaun til aldraðra í stéttarfélögum, og skulu þau laun hans þá ekki skerða rétt hans til framangreindrar hækkunar.
 c. Í stað „%“ í 3. málsg. komi: $\frac{4}{5}$ — og í stað „%“ komi: $\frac{1}{5}$.
- d. Aftan við greinina bætist ný málsg., svo hljóðandi:
 Viðbótarlífeyri, sem nemi fullum einstaklingslífeyri, er heimilt að greiða hjónum, sem orðin eru 70 ára að aldri, en hafa óverulegar tekjur eða engar og eru ekki félagar í lífeyrissjóði.
7. Við 23. gr. Aftan við 1. málsg. bætist:
 Nemendur 17—20 ára, sem stunda nám eigi skemur en 6 mánuði á ári, eru einnig undanþegnir gjaldskyldu.
8. Við 34. gr.
 a. Aftan við 4. málsg. bætist:
 Nú hafa örorkubætur verið greiddar í eitt skipti fyrir öll samkv. heimild þessarar greinar, og á þá hlutaðeigandi rétt á verðbótum á slíka greiðslu á 10 ára fresti, og skal verðbótin vera í réttu hlutfalli við breytingar á upphæð örorkubóta síðustu 10 árin.
 b. Við greinina bætist:
 Skipverjar, þar með taldir formenn á bátum undir 12 smálestir að stærð, sem tryggðir eru samkv. 29. gr. laganna, skulu njóta sérstakra örorku- og dánarbóta til viðbótar þeim bótum, sem ákveðnar eru í 34. og 35. gr.
 Hinar sérstöku bætur skulu vera 600 þús. kr. miðað við dauða, en 800 þús. kr. við 100% varanlega örorku, en hlutfallslega lægri, ef varanleg örorka er metin innan við 100%. Ráðherra getur breytt bótaupphæðum til hækkunar, ef almenn hækkun verður á umsömdum slysabótum sjómanna á stærri bátum en 12 smálesta.
 Um bætur þessar gilda hinar almennu reglur laganna, eftir því sem við á.
9. Við 36. gr. Á eftir 1. málsg. komi:
 Íþróttafélög greiða $\frac{1}{3}$ af iðgjöldum fyrir íþróttafólk, en ríkissjóður $\frac{2}{3}$. Nánari ákvæði um slysaftryggingar íþróttafólks og skiptingu iðgjalda skulu sett í reglugerð í samráði við Íþróttasamband Íslands og Ungmennafélag Íslands.
10. Við 43. gr.
 a. Aftan við staflið h. komi nýr stafliður, þannig:
 i. Tannlækningar að $\frac{3}{4}$ hlutum, þegar þær teljast bein heilsufarsleg nauðsyn, og skal setja um það nánari ákvæði í reglugerð.
 b. Orðin „svo og greiðslu fyrir tannlækningar“ í síðustu málsgrein falli niður.

11. Við 44. gr. Í staðinn fyrir „kr. 29.00“ í 4. málsg. komi: kr. 80.00.
12. Við 45. gr.
 - a. 1. málslíður orðist svo:

Leita skal staðfestingar Tryggingastofnunar ríkisins á samningum, sem sjúkrasamlög gera við lækna, tannlækna, lyfjabúðir og heilbrigðisstofnanir um greiðslur til fullnægingar ákvæðum 42. greinar.
 - b. Fyrsti málslíður 2. málsg. orðist þannig:

Náist ekki samkomulag við lækna eða tannlækna, skal gerðardómur ákveða samningskjörin.
 - c. Í stað orðanna „samkvæmt 43. gr. a og b“ á tveim stöðum síðar í 45. grein komi: samkvæmt 43. gr. a, b og i.
13. Við 46. gr. Aftan við greinina bætist:

Nú er hérað sjúkrahúss- og læknilaust, og skal þá Tryggingastofnun ríkisins greiða nauðsynlegan ferðakostnað fyrir sjúklinga og barnshafandi konur.
14. Við 78. gr.
 - a. Í stað „6 mánaða“ í 1. málsg. komi: eins mánaðar.
 - b. Við greinina bætist:

Ákvæði þessarar greinar koma til framkvæmda þegar í stað.
15. Við 80. gr. Upphaf greinarinnar orðist svo:

Lög þessi öðlast gildi 1. júlí 1971.
16. Við ákvæði til bráðabirgða:
 - a. Í stað orðanna „helmingur hreinna eigna samlags þess, sem niður er lagt“ í 3. tölulið komi: $\frac{1}{4}$ hluti hreinna eigna samlags þess, sem niður er lagt, — og í stað „helmingur skal ganga upp í framlög hlutaðeigandi sveitarfélags“ í sama tölulið komi: $\frac{3}{4}$ hlutar skulu ganga upp í framlög hlutaðeigandi sveitarfélags.
 - b. Við ákvæðin bætist nýr töluliður, svofelldur:

Þegar eftir samþykkt laga þessara skal skipuð millipinganefnd, er falið sé það hlutverk að framkvæma heildarendurskoðun laga um almannatryggingar. Sameinað Alþingi skal kjósa 2 menn í nefndina, en hver þingflokka skipa í hana einn fulltrúa. Ráðherra skipar formann nefndarinnar úr hópi hinna kjörnu.